

Powšitkowne WOZJEWJENJA

njedźelu, 7. julija 2019

Změna kemšacych časow w Róžeńće

W Róžeńće su wot tuteje njedźele, 7. julija, hač do kónca septembra jeničce Bože mšě w serbskej rěči – a to w 10.30 hodź. Wuwzaće je njedźela Gig-festiwała, 28. julija. Boža mša budže hižo w 10 hodź. w němskej rěči.

Putnikowanje džěci do Różanta

Džěci ze wšitkich serbskich wosadow su pod hesłom „TY dariš sy nam cyły swět“ srjedu, 10. julija, na putnikowanje do Różanta přeprašene. Boža mša zahaji so w 10.30 hodź. w hnadownej cyrkwi. Po mjezyprogramje so putnikowanje z nyšporom w 13.00 hodź. zakónči.

Z busom do Krupki kemši

Na putniku Božu mšu srjedu, 31. julija, w 10 hodź. w Krupce pojedže zaso bus. Štóz chcył sobu jěć, měł so najpozdzišo hač do pónđzele, 22. julija, w Šmitec wozydłownistwje w Radworju přizjewić, telefonowe čisło (03 59 35) 28 60.

50. narodniny patra Romualda Domaški

Na patra Romualda Mikławša Domašku budže so njedźelu, 21. julija, w Róžeńće składnostnje jeho 150. narodnin spominać. Něhdže 30 lět je wón tam jako administrator a wučer skutkował. Wón zemrě 2. julija 1945 we Worklecach. Kemšam, kotraž budu w 10.30 hodź., přizamknje so wopomnjenske zarjadowanje z předstajenjom mjez staršimi Serbami hišće znateho rjadnika. K tomu poskići so přikus. Towarstwo Naša Knjeni na Lipje wšitkich wěriwych wutrobnje přeprašuje.

Znowa Gig-festiwal w Róžeńće

W Róžeńće wotměje so wot pjatka do njedźele, 26. do 28. julija, Gig-festiwal. Wón zahaji so pjatk we 18 hodź. z Božej mšu w hnadownej cyrkwi. W 21 hodź. pokaza so film.

Sobotu dopołdnja runje tak kaž po wobjedže budu wšelake workshopy. W 16.00 hodź. přizamknje so nyšpor z cistersienskimi klóštra Marijineje hwězdy. Koncert ze wšelakimi mjezynarodnymi skupinami budže wot 16.30 hodź. Mjez nimi budže popowa skupina I AM z Irskeje runje tak kaž raper Dominik Herberhold z Němskeje, Edwin Fawcett a gospelowy chór z Jendźelskeje. Za kóždeho budže něšto pódla – pop, soul, rap a folk kaž tež kabaret, zdžělichu zarjadowarjo.

Swjatočna Boža mša budže njedźelu, 28. julija, w 10 hodź., kotraž je tón dzeń jenička njedźelna Boža mša na hnadownym městnje. Kemšam přizamknje so koncert gospeloweho chóra a skupiny I AM. W 14 hodź. budže podijowa diskusija pod temu „Bóh a naš swět“ Wšitcy – młodostni runje tak kaž starši a swójby z džěcimi – su wutrobnje do Różanta přeprašeni. Nadrobny program je w interneće pod www.gigfestival.de wozjewjeny.